



**SEMBAH ALU-ALUAN**

**YANG BERHORMAT  
DATO SERI SETIA AWANG HAJI NAZMI BIN HAJI  
MOHAMAD  
MENTERI KEBUDAYAAN, BELIA DAN SUKAN**

**MAJLIS PENYERAHAN BENDERA NEGARA KEPADA  
KONTINJEN NEGARA BRUNEI DARUSSALAM  
KE *19th ASIAN GAMES 2022*  
HANGZHOU, CHINA  
23 SEPTEMBER HINGGA 08 OKTOBER 2023**

**PADA HARI RABU  
4 RABIULAWAL 1445 / 20 SEPTEMBER 2023**

**JAM  
9.30 PAGI**

**BERTEMPAT:  
DEWAN DIGADONG  
KEMENTERIAN KEBUDAYAAN, BELIA DAN SUKAN**

Bismillahir Rahmanir Rahim

Alhamdulillah Rabbil 'Alameen Wassalatu Wassalamu 'Ala  
Asyrafil Anbiyaie Mursalin Saidina Muhammadin Wa'ala Alihi  
Wasahbihi Ajma'in

Mengadap kehadiran Majlis:

Duli Yang Teramat Mulia Paduka Seri Pengiran Bendahara Seri  
Maharaja Permaisura Pengiran Muda Haji Sufri Bolkiah ibni Al-  
Marhum Sultan Haji Omar 'Ali Saifuddien Sa'adul Khairi  
Waddien, Presiden Majlis Olimpik Kebangsaan Negara Brunei  
Darussalam.

Yang Mulia,

Tuan Yang Terutama Xiao Jianguo

Duta Besar Republik Rakyat China ke Negara Brunei  
Darussalam

Yang Mulia,

Pengiran Mohd Amirrizal bin Pengiran Haji Mahmud  
Setiausaha Tetap (Kesukanan)

Yang Mulia

Pengiran Haji Mohd Hasnan bin Pengiran Haji Ali Hassan  
Setiausaha Tetap (Kebudayaan)

Yang Mulia

Dayang Hajah Nor Ashikin binti Haji Johari

Setiausaha Tetap (Kemasyarakatan)

Yang Mulia

Ahli-Ahli Majlis Olimpik Kebangsaan Negara Brunei Darussalam

Yang Mulia

Dayang Umi Kalthum binti Haji Abdul Karim, Pengarah Belia dan Sukan Selaku *Chef de Mission* kontinjen Negara Brunei Darussalam ke *19th Asian Games 2022* di Hangzhou, China.

Ketua-ketua Jabatan dan pegawai-pegawai Kanan Kerajaan, Pemimpin-Pemimpin Persatuan-Persatuan Sukan, Para Jurulatih, para atlet, para ibubapa, para media, Hadirin dan hadirat yang dihormati sekalian.

Assalamualaikum Warahmatullahi Wabarakatuh

*Beribu Ampun,*

1. Hamba Duli Tuanku bagi pihak Kementerian Kebudayaan, Belia dan Sukan menyembahkan setinggi-tinggi menjunjung kasih Kehadapan Majlis Kebawah Duli Yang Maha Mulia Paduka Seri Baginda Sultan dan Yang Di-

Pertuan Negara Brunei Darussalam di atas kurnia perkenan Baginda bagi Negara Brunei Darussalam menyertai *19th Asian Games 2022* yang akan berlangsung pada 23 September hingga 08 Oktober 2023 di Hangzhou, China.

2. Hamba Duli Tuanku menyembahkan rasa syukur kehadiran Allah Subhanahu Wa Ta'ala kerana atas limpah kurnia-Nya jua abis Hamba Duli Tuanku dapat berkumpul pada majlis pagi ini iaitu Majlis Penyerahan Bendera Negara Kepada Kontinjen Negara Brunei Darussalam Ke *19th Asian Games 2022, China*.

*Beribu Ampun,*

3. Bagi pihak Kementerian Kebudayaan, Belia dan Sukan, Hamba Duli Tuanku dengan penuh hormat dan takzim menyembahkan setinggi-tinggi menjunjung kasih dan penghargaan di atas keberangkatan Duli Tuanku ke majlis pagi ini, di mana keberangkatan Duli Tuanku ke majlis ini adalah sangat bermakna dan disanjung tinggi, dalam mana keberangkatan Duli Tuanku ini memperlihatkan sokongan dan keprihatinan yang berterusan Duli Tuanku terhadap kemajuan dan pembangunan sukan di negara ini.

*Beribu Ampun,*

4. Terlebih dahulu, hamba Duli Tuanku menjunjung perkenan Duli Tuanku bagi menyampaikan sepatah dua kata di majlis pada hari ini.
5. Pada kejohanan kali ini, Negara Brunei Darussalam akan menyertai tiga (3) acara sukan iaitu Wushu, Karate dan *Weightlifting* (angkat berat) dengan menghantar kontinjen seramai 21 orang ahli kontinjen yang terdiri daripada seorang (1) *Chef de Mission*, sebelas (11) orang atlet, lima (5) jurulatih/penolong jurulatih, seorang (1) Ketua Urus Setia, seorang (1) pegawai urus setia, seorang (1) doktor dan seorang (1) *massuer*.
6. Di antara kejohanan-kejohanan sukan, Sukan Asia adalah merupakan acara pelbagai sukan benua yang melibatkan penyertaan atlet di seluruh Asia. Difahamkan bahawa sebanyak 46 buah negara dijangka akan menyertai kejohanan *19th Asian Games 2022* di Hangzhou, China ini. Oleh yang demikian, ia bukan sahaja kejohanan yang berprestij, malah ia adalah satu platform yang tertinggi bagi atlet-atlet kita mempamerkan prestasi yang terbaik dan berkualiti di samping menguji kemampuan mereka untuk bersaing dengan atlet bertaraf dunia untuk meraih pingat.

7. Selain itu, ia juga merupakan satu peluang yang baik bagi atlet-atlet dan pegawai sukan yang menyertai kejohanan ini, terdiri daripada pelbagai negara untuk memperkukuhkan hubungan persahabatan, kerjasama dan jaringan perhubungan di antara satu sama lain sejajar dengan salah satu matlamat sukan iaitu untuk menyumbang kepada pembangunan dan keamanan.
8. Tahniah diucapkan kepada atlet-atlet yang terpilih untuk menyertai kejohanan ini. Pemilihan ini adalah hasil kerja keras dan komitmen masing-masing dalam menjalani latihan yang dijadualkan.
9. Pesanan kepada semua ahli kontinjen untuk menjaga disiplin dan tingkah laku sepanjang berada di sana. Sentiasa memberikan kerjasama kepada semua pihak dan yang paling penting adalah hindari dan jauhkan diri daripada mengambil barang-barang atau ubat-ubatan yang terlarang yang boleh mengakibatkan atlet dikeluarkan atau digantung daripada bertanding sehingga mencemarkan nama baik negara.

*Beribu Ampun,*

10. Untuk akhirnya, sekali lagi, hamba Duli Tuanku menyembahkan setinggi-tinggi menjunjung kasih di atas keberangkatan Duli Tuanku ke Majlis Penyerahan Bendera pada pagi ini. Hamba Duli Tuanku menjunjung ampun dan maaf jika terdapat sebarang suruk langkah dan tutur kata yang kurang manis yang tidak disengajakan di dalam melaksanakan majlis pada pagi ini.

Sekian, Wabillahit Taufiq Walhidayah,

Wassalamu'alaikum Warahmatullahi Wabarakatuh.